



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

9 JANUARI 2023 (ISNIN)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE (KPDN)

9 JANUARI 2023 (ISNIN)

Payung Rahmah kurangkan kos sara hidup B40

JOHOR BAHRU: Kementerian Perdagangan Dalam Negeri dan Kos Sara Hidup bakal melaksanakan inisiatif 'Payung Rahmah' bagi mengurangkan beban sara hidup golongan berpendapatan rendah (B40) dan miskin tegar di negara ini.

Menterinya, Datuk Seri Salahuddin Ayub berkata, inisiatif berkenaan akan dilaksanakan dengan kerjasama beberapa kementerian.

"Inisiatif Payung Rahmah ini merupakan fokus dan matlamat ditetapkan KPDN untuk enam bulan pertama menerusi pelan strategi jangka pendek.

"Antara intipati program termasuklah pemberian bakul makanan, Jualan Murah Rahmah Kasih Sayang dan Cafe Rahmah untuk pelajar universiti.

"Ia akan menyentuh golongan B40 dan miskin tegar yang sekiranya tidak ditangani dengan teliti, kita bimbang keadaan ekonomi global yang semakin teruk akan menyebabkan mereka lebih terkesan," katanya selepas menghadiri Majlis Jamuan Kenduri Rakyat Petugas Parlimen P161 Pulau, di sini kelmarin.

Lebih 1,000 petugas Pakatan Harapan (PH) yang terlibat sepanjang tempoh berkempen bagi Parlimen Pulau semasa Pilihan Raya Umum Ke-15 (PRU15) memeriahkan majlis berkenaan.

Mengenai sambutan Tahun Baharu Cina yang bakal menjelang tidak lama lagi, Salahuddin memberitahu, kerajaan akan melaksanakan skim kawalan harga yang akan diumumkan minggu depan.

Dalam pada itu, beliau turut memaklumkan kerajaan belum membuat sebarang keputusan untuk menjadikan pelitup muka sebagai barangan kawalan ekor pembuka sempadan antarabangsa China yang dijangka ramai pelancong negara berkenaan berkunjung ke Malaysia.

Kurangkan beban sara hidup B40, miskin tegar **Inisiatif Payung Rahmah diperkenal**

Oleh KHAIRUL MOHD. ALI

JOHOR BAHRU – Kementerian Perdagangan Dalam Negeri dan Kos Sara Hidup (KPDN) bakal melaksanakan inisiatif Payung Rahmah bagi mengurangkan beban sara hidup golongan berpendapatan rendah (B40) dan miskin tegar di negara ini.

Menterinya, Datuk Seri Salahuddin Ayub berkata, inisiatif berkenaan akan dilaksanakan dengan kerjasama beberapa kementerian, antaranya Kementerian Ekonomi dan Kementerian Pertanian dan Keterjaminan Makanan.

Katanya, perkara itu akan diumumkan secara lebih terperinci Selasa depan.

"Inisiatif Payung Rahmah ini merupakan fokus dan matlamat

ditetapkan KPDN untuk enam bulan pertama menerusi pelan strategi jangka pendek.

"Antara intipati program termasuk pemberian bakul makanan, Jualan Murah Rahmah Kasih Sayang dan Cafe Rahmah untuk pelajar universiti.

"Ia menyentuh golongan B40 dan miskin tegar yang sekiranya tidak ditangani dengan teliti, kita bimbang keadaan ekonomi global yang semakin teruk menyebabkan mereka lebih terkesan," katanya selepas menghadiri Majlis Jamuan Kenduri Rakyat Petugas Parlimen P161 Pulau di sini kelmarin.

Berhubung sambutan Tahun Baharu Cina yang bakal menjelang tidak lama lagi, Salahuddin berkata, kerajaan akan melaksanakan skim kawalan harga

yang bakal diumumkan minggu depan.

Dalam pada itu, beliau turut memaklumkan, kerajaan belum membuat sebarang keputusan untuk menjadikan pelitup muka sebagai barangan kawalan ekoran pembukaan sempadan antarabangsa China yang dijangka meningkatkan kemasukan pelancong dari negara berkenaan ke Malaysia.

"Setakat mesyuarat Kabinet Rabu lalu, kita fokus kepada usaha mempertingkat tahap keselamatan.

"Namun begitu, belum ada keputusan rasmi tentang sama ada pelitup muka akan dimasukkan dalam senarai barangan terkawal. Ia bergantung kepada keperluan semasa sebelum sebarang keputusan dibuat," ujarnya.



SALAHUDDIN (tengah) bersalaman dengan tetamu yang hadir pada Majlis Jamuan Kenduri Rakyat Petugas Parlimen P161 Pulau di Johor Bahru kelmarin. – RAJA JAAFAR ALI

PELAN JANGKA PENDEK TANGANI KENAIKAN KOS SARA HIDUP

Payung Rahmah bantu B40

Oleh Mohamed Farid Noh
farid_noh@bh.com.my

Johor Bahru

Kerajaan akan memperkenalkan program Payung Rahmah bagi membantu golongan B40 mendepani isu kos sara hidup yang dijangka lebih serius tahun ini.

Menteri Perdagangan Da-

lam Negeri dan Kos Sara Hidup (KPDN), Datuk Seri Salahuddin Ayub, berkata program itu adalah langkah jangka pendek bagi mengurangkan beban sara hidup golongan itu dalam tempoh enam bulan ini dengan ia dijangka dilaksanakan dalam tempoh 100 hari.

Katanya, program Payung Rahmah akan diperincikan lebih lanjut Selasa ini dalam ucapan Tahun Baru KPDN di

Putrajaya yang turut mem-babitkan kerjasama Kementerian Ekonomi, Kementerian Pertanian dan Keterjaminan Makanan dan Kementerian Pengangkutan.

"Program Payung Rahmah Kasih Sayang ini inisiatif berfokus selama enam bulan yang menyentuh golongan B40 dan miskin tegar, yang jika tidak dibantu kita bimbang keadaan ekonomi global dijangka begitu

serius tahun ini menyebabkan golongan ini terkesan.

"Program ini membabitkan empat elemen iaitu Bakul Rahmah, Kafe Rahmah, Jualan Murah Rahmah dan Barangan Rahmah bagi menyantuni golongan B40.

"Bakul Rahmah adalah pemberian bakul makanan yang akan diberikan pada setiap bulan manakala perincian Jualan Murah Rahmah akan diumumkan lebih lan-

jut pada Selasa ini.

"Kita juga ada Barangan Rahmah iaitu pakej 10 barangan asas yang dijual pada harga lebih rendah untuk golongan B40.

"Kafe Rahmah pula adalah khusus bagi pelajar universiti bagi mendapatkan makanan pada harga lebih murah dengan pelajar susah akan dibantu," katanya.

Beliau berkata demikian pada sidang media selepas

majlis kesyukuran Parti Amanah Negara (AMANAH) Parlimen Pulau di sini, malam kelmarin.

Dalam pada itu, Salahuddin yang juga Ahli Parlimen Pulau dan Ahli Dewan Undangan Negeri (Adun) Simpang Jeram berkata, kerajaan sudah menetapkan beberapa pelan jangka pendek, sederhana dan panjang dalam mendepani isu kos sara hidup rakyat.

Payung Rahmah bantu rakyat B40, miskin tegar

Inisiatif tangani peningkatan kos sara hidup rakyat

Oleh NOR AZURA MD AMIN
JOHOR BAHRU

Payung Rahmah akan diperkenalkan kerajaan sebagai inisiatif menangani peningkatan kos sara hidup dalam kalangan rakyat terutama golongan B40.

Menteri Perdagangan Dalam Negeri dan Kos Sara Hidup (KPDN), Datuk Seri Salahuddin Ayub berkata, inisiatif Payung Rahmah akan diperincikan lebih lanjut dalam ucapan Tahun Baharu KPDN di Putrajaya pada Selasa.

"Payung Rahmah fokus kepada golongan B40 dan miskin tegar. Sekiranya tidak dibantu, kita bimbang golong-



Salahuddin (dua dari kiri) hadir pada Majlis Kesyukuran Amanah Parlimen Pulau di Johor Bahru pada Sabtu malam.

an ini akan terkesan dengan keadaan ekonomi global yang dijangka begitu serius tahun ini.

"Program ini merangkumi empat elemen iaitu Bakul Rahmah, Kafe Rahmah, Jualan Murah Rahmah dan Barangan Rahmah untuk golongan B40. Menerusi Barangan Rahmah terdapat pakej 10 barangan asas yang

dijual pada harga lebih rendah.

"Kafe Rahmah pula adalah khusus untuk pelajar universiti bagi mendapatkan makanan pada harga lebih murah dengan pelajar susah akan dibantu," katanya pada sidang akhbar selepas Majlis Kesyukuran Amanah Parlimen Pulau, di sini pada Sabtu malam.

Pada 31 Disember lalu, Salahuddin dilaporkan mengadakan perbincangan bersama beberapa pemain industri termasuk pengedar runcit negara bagi melaksanakan inisiatif Bakul Rahmah (Kasih Sayang), khas untuk golongan B40.

Dalam pada itu, Salahuddin yang juga Timbalan Presiden Parti Amanah Negara (Amanah) berkata, kerajaan telah menetapkan beberapa pelan jangka pendek, sederhana dan panjang dalam mendepani isu kos sara hidup rakyat.

"Di samping itu, Mesyuarat Majlis Tindakan Sara Hidup Negara (NACCOL) yang dipengerusikan Perdana Menteri, Datuk Seri Anwar Ibrahim akan sentiasa diadakan dari masa ke masa, membuktikan kerajaan serius mahu mendepani isu kos sara hidup dihadapi rakyat sekarang ini," ujarnya.

SAFETY NET

'PAYUNG RAHMAH' TO EASE BURDEN ON THE NEEDY

4 initiatives cover food baskets, low-cost goods and services for low-income group

VEENA BABULAL
JOHOR BARU
news@nst.com.my

THE government will roll out the "Payung Rahmah" safety net for the Bottom 40 group.

Domestic Trade and Cost of Living Minister Datuk Seri Salahuddin Ayub said the programme would reduce the expenses of the group over a six-month period.

The programme would be carried out within 100 days.

He said the programme was in collaboration with the Economy, Agriculture and Food Security and Transport Ministries.

"The programme is a targeted six-month initiative that focuses on the B40 and extreme poor groups.

"If not cared for, they would

feel the brunt of the global economic slowdown, which is expected to be serious this year," he said at a thanksgiving event organised by Parti Amanah Negara (Amanah) at the Pulai parliamentary constituency here on Saturday night.

The aid initiative comprises four categories: Rahmah (food) Basket, Rahmah Cafe, Rahmah Sale and Rahmah Goods.

"The Rahmah Basket is a food baskets that will be distributed every month.

"The details of Rahmah Sale will be announced this Tuesday.

"We also have Rahmah Goods, which is a package of 10 basic items sold at a lower price for the B40 group."



Datuk Seri
Salahuddin Ayub

Salahuddin said Rahmah Cafe aimed to assist university students who are financially struggling by offering food items at cheaper prices.

On Dec 31, Salahuddin, who is also deputy president of Amanah, held talks with industry players, including retailers and distributors, to implement a food basket programme.

The Pulai MP said the government had set short-, medium- and long-term plans to tackle the cost of living issue.

Belum ada keputusan berhubung pelitup muka

JOHOR BAHRU - Keputusan meletakkan pelitup muka sebagai barangan kawalan akan dibuat berdasarkan keperluan dan situasi semasa penularan Covid-19 di negara ini.

Menteri Perdagangan Dalam Negeri dan Kos Sara Hidup (KPDN), Datuk Seri Salahuddin Ayub berkata, kerajaan masih belum membuat sebarang keputusan sama ada pelitup muka akan dimasukkan semula dalam senarai barangan kawalan.

"Dalam mesyuarat kabinet Rabu lalu, kerajaan akan meningkatkan tahap keselamatan. Kementerian Kesihatan Malaysia (KKM) ditugaskan mengawal sepenuhnya pintu sempadan negara.

"Kerajaan tidak akan berkompromi dengan sebarang kecuaian. Namun, belum ada sebarang keputusan rasmi sama ada pelitup muka akan dimasukkan semula dalam senarai barang kawalan. Itu bergantung kepada keperluan dan keadaan semasa," katanya.

Beliau berkata demikian pada sidang akhbar selepas Majlis Kesyukuran Amanah Parlimen Pulau, di sini pada Sabtu malam.

Pada 2 Januari lalu, Menteri Kesihatan, Dr Zaliha Mustafa berkata, KKM mengambil serius kebimbangan masyarakat berkenaan peningkatan kes Covid-19 di China dan ketibaan pelancong dari republik itu.

Jelasnya, KKM akan meningkatkan kaedah pembendungan penularan jangkitan wabak itu dalam negara serta kesiapsiagaan bagi berdepan sebarang kemungkinan peningkatan kes Covid-19.

SPIKE IN COVID-19 CASES

Face masks to be controlled item again?

JOHOR BARU: The government has yet to decide whether to re-gazette face masks as a controlled item following a spike in Covid-19 cases.

Domestic Trade and Cost of Living Minister Datuk Seri Salahuddin Ayub said a decision would be made based on the situation.

"At the cabinet meeting last Wednesday, the government decided to increase security and preparedness at the border (entry points) following a spike in Covid-19 infections globally.

"The Health Ministry has been tasked with controlling the border entries without compromise.

"However, there has not been any decision on whether face masks will be included on the list of controlled items again.

"That depends on the need at

the time and when it happens and maybe at that time, we will decide on it," he said at a thanksgiving event organised by Parti Amanah Negara at the Pulai parliamentary constituency here on Saturday.

China lifted restrictions on international travel yesterday yesterday, after nearly three years of closure due to the Covid-19 pandemic.

Following the move, Malaysia is expected to see a surge of Chinese tourists.

However, the lifting of restrictions comes amid a surge of Covid-19 infections in China and concerns have been raised about the transparency of it data.

Public health experts in Malaysia have expressed concern about the sudden entry of a large of number of China nationals as

the country grapples with a Covid-19 wave and cautioned the public to take precautions to reduce the risk of infections, including the use of face masks.

On Jan 2, Health Minister Dr Zaliha Mustafa said her ministry took seriously public concerns about the increase of Covid-19 cases in China.

The face mask was gazetted as a controlled item on Nov 1, 2020 in accordance with the Supply Control Act 1961 with a maximum price, as per the Price Control And Antiprofitteering (Maximum Price Determination) Order (No. 7) 2020.

In March last year, the government set the maximum retail price for single-layer face masks at 7 sen per unit, two-layer at 20 sen per unit and three-layer at 70 sen per unit.

KPDN sasar industri francais berkembang 30%

Putrajaya: Kementerian Perdagangan Dalam Negeri dan Kos Sara Hidup (KPDN) menyasarkan industri francais negara berkembang antara 20 hingga 30 peratus tahun ini, didorong prospek yang memberangsangkan terhadap sektor itu walaupun berdepan cabaran ekonomi semasa.

Ketua Setiausaha kementerian (KSU) Datuk Azman Mohd Yusof berkata sasaran itu boleh dicapai sekiranya semua pihak berkepentingan termasuk agensi ke-

rajaan membantu sektor francais untuk berkembang dengan menawarkan inisiatif yang bersesuaian.

"Ini (sasaran pertumbuhan) boleh berlaku dengan syarat semua pihak memainkan peranan untuk sama-sama mengusahakan bentuk inisiatif yang baik kepada kumpulan francais ini tidak kira KPDN, pihak berkuasa tempatan atau kementerian lain.

"Kalau di luar negara, kita harap kementerian terlibat dapat membantu francais

kita berurusan dengan lebih mudah," katanya kepada pemberita pada majlis pelancaran outlet Oldtown White Coffee di sini, baru-baru ini.

Azman berkata KPDN akan terus memberi sokongan penuh kepada sektor francais termasuk mempermudah proses-proses (perniagaan), mengatasi masalah birokrasi selain bekerjasama dengan kementerian lain untuk membantu sektor itu berkembang maju. - Bernama



AZMAN (duduk tengah) mempromosikan hidangan kegemaran ramai di restoran Oldtown White Coffee di Putrajaya.

Sektor francais diunjur terus berkembang

PUTRAJAYA - Kementerian Perdagangan Dalam Negeri dan Kos Sara Hidup (KPDN) menyasarkan industri francais negara berkembang antara 20 hingga 30 peratus tahun ini, didorong prospek yang memberangsangkan terhadap sektor itu walaupun berdepan cabaran ekonomi semasa.

Ketua Setiausaha Kementerian (KSU), Datuk Azman Mohd Yusof berkata, sasaran itu boleh dicapai sekiranya semua pihak berkepentingan termasuk agensi kerajaan membantu sektor francais untuk berkembang dengan menawarkan inisiatif yang bersesuaian.

"Ini (sasaran pertumbuhan) boleh berlaku dengan syarat semua pihak memainkan peranan untuk sama-sama mengusahakan bentuk-bentuk inisiatif yang baik kepada kumpulan francais ini tidak kira KPDN, pihak berkuasa

tempatan atau kementerian lain.

"Kalau di luar negara, kita harap kementerian terlibat dapat membantu francais kita berurusan dengan lebih mudah," katanya kepada pemberita pada majlis pelancaran outlet Oldtown White Coffee di IOI City Mall di sini, pada Sabtu.

Azman berkata, KPDN akan terus memberi sokongan penuh kepada sektor francais termasuk mempermudah proses-proses (perniagaan), mengatasi masalah birokrasi selain bekerjasama dengan kementerian lain.

"Dalam proses ini melibatkan beberapa agensi yang lain kerana sekiranya hendak mewujudkan outlet ini, berkemungkinan terlibat dengan agensi lain. Kita ter-



AZMAN

libat dengan memberi lesen. Mungkin kita akan bersama-sama agensi kerajaan untuk membicarakan semula apa yang boleh kita permudahkan.

"Inilah caranya kita menyahut seruan kerajaan kali ini untuk membantu masyarakat yang terkesan dengan

kos sara hidup. Kita juga memastikan bidang ekonomi tidak terkecuali," katanya.

Terdahulu, Azman dalam ucapannya berkata, KPDN selaku kementerian yang bertanggungjawab kepada industri francais Malaysia akan terus memberi sokongan penuh kepada sektor itu iaitu menaik taraf perniagaan kepada sistem francais. -Bernama

Senarai Harga Barang Keperluan	
• Ayam	RM7.99
• Daging Lembu Tempatan	RM44.29
• Daging Lembu Import	RM50.90
• Telur Gred A	RM12.75
• Ikan Kembung	RM16.50
• Minyak Masak	RM6.90
• Gula Pasir	RM2.85
• Bawang Besar*Holland	RM2.99
• Bawang Putih	RM4.88
• Cili Merah	RM9.99
• Kubis Bulat Tempatan	RM1.99
• Tepung Gandum	RM3.49

*Harga (RM/kg) Sumber: KPDN



KEMENTERIAN PERDAGANGAN DALAM NEGERI
DAN KOS SARA HIDUP

MEDIA ONLINE (KPDN)

9 JANUARI 2023 (ISNIN)

BERITA ONLINE BERTARIKH 9 JANUARI 2023			
TARIKH	TAJUK	PAUTAN	MEDIA
9-Jan	Payung Rahmah Bantu Golongan B40	https://youtu.be/AiAX5DTJs9I	BULETINTV9
9-Jan	KPDN Sibu records 136 cases, over RM4.5 mln in seizures in 2022	https://www.theborneopost.com/2023/01/09/kpdn-sibu-records-136-cases-over-rm4-5-mln-in-seizures-in-2022/	THEBORNEOPOST
9-Jan	KPDN sasar industri francais berkembang 30%	https://www.google.com/amp/s/www.hmetro.com.my/amp/bisnes/2023/01/923703/kpdn-sasar-industri-francais-berkembang-30	HM